

nere: paruo nauigio, & concolori ueste, eademque hora per aliquot dies continuos piscator enauigat certo spatio, escamque proijcit. quicquid ex eo mittitur, suspecta fraus praedae est: cauensque quod timuit, cum id saepe factum est, unus aliquando consuetudine inuitatus anthias, escam appetit. Notatur hic intentione diligenti, ut autor spei, conciliatorque capture. neque enim est difficile cum per aliquot dies solus accedere audeat. tandem & aliquos inuenit: paulatimque comitator, postremo greges adducit innumeros, iam uetustissimis quibusque assuetis piscatorem agnoscere, & e manu cibum rapere. Tum ille paulum ultra digitos in esca iaculatus hamum, singulos inuolat uerius quam capit, ab umbra nauis breui conatu rapiens, ita ne ceteri sentiant, alio intus excipiente centonibus raptum, ne palpitatio ulla aut sonus ceteros abigat. Conciliatorem nosse ad hoc prodest, ne capiat. Parcit piscator fugituro in reliquum gregem. Ferunt discordem socium duci insidiatum pulchre noto cepisse malefica uoluntate: agnitum in macello a socio, cuius iniuria erat, & dati damni formulam editam, condemnatumque, addidit Mutianus aestimata lite decem libris. Iidem anthia cum unum hamo teneri uiderint, spinis quas in dorso serratas habent, lineam secare traduntur: eo qui tenetur, extendente, ut praecidi possit. At inter sargos, ipse qui tenetur, ad scopulos lineam terit.

## De stellis marinis.

CAP. LX.

**P**ropter haec claros sapientia autores uideo mirari stellam in mari. Ea figura est parua admodum caro intus, extra duriore callo. Huic tam igneum feruorem esse tradunt, ut omnia in mari contacta adurat, omnem cibum statim peragat. Quibus sit hoc cognitum experimentis, haud facile dixerim: multoque memorabilius duxerim id, cuius experiendi quotidie occasio est.

## De dactylis, eorumque miraculis.

CAP. LXI.

**C**oncharum e genere sunt dactyli, ab humanorum unguum similitudine appellati. His natura in tenebris remoto lumine, alio fulgore clarere, & quanto magis humorē habeant, lucere in ore madentium, lucere in manibus, atque etiam in solo atque ueste, decidentibus guttis: ut procul dubio pateat, succi illam naturam esse, quam miremur etiam in corpore.

## De inimicitis &amp; amicitis inter se

aquatiliam.

CAP. LXII.

**S**icut et inimicitiarum atque concordiae miracula. Mugil & lupus mutuo odio flagrant: conger & muræna, caudas inter se praerodentes. Polypum in tantum locusta paueat, ut si iuxta uiderit, omnino moriatur. Locustam conger, rursus polypum conger lacerant. Nigidius autor est, praerodere caudam mugili lupum, eosdemque statis mensibus concordēs esse. Omnes autem uiuere, quibus caudae sic amputentur. At e contrario amicitiae exempla sunt, praeter illos de quorum diximus societate, balena & musculus: quan-

do praegravi superciliorum pondere obrutis eius oculis, infestantia magnitudinem uada praenatans demonstrat, oculorumque uice fungitur. Hinc uolucrum naturae dicuntur.

## C. PLINII SECVNDI

NATVRALIS HISTORIAE

LIBER X.

## De natura auium.

CAP. I.



**S**EQVITVR natura auium, quarum grandissimi & pene bestiarum generis, struthio cameli Africi uel Aethiopici, altitudinem equitis insidentis equo excedunt, celeritatem uincunt: ad hoc demum

datis pennis, ut currentem adiuent: cetero non sunt uolucres, nec a terra tolluntur. Ungulae ijs cernuis similes quibus dimicant, bisulca, comprehendendis lapidibus utiles, quos in fuga contra sequentes ingerunt pedibus. Concoquendi sine delectu deuorata mira natura, sed non minus stoliditas, in tanta reliqui corporis altitudine, cum colla frutice occultauerint, latere sese existimantium. Praemia ex ijs oua, propter amplitudinem pro quibusdam habita uasis, conosque bellicos & galeas adornantes penna.

## De phoenice.

CAP. II.

**A**Ethiopes atque Indi discolorēs maxime & inenarrabiles ferunt ues, et ante oēs nobile Arabia phoenice: haud scio an fabulose, unum in toto orbe, nec uisum magnopere. aquila narratur magnitudine, auri fulgore circa colla, cetera purpureus, caerulea roseis caudam penis distinguentibus, cristis faciem caputque plumeo apice cobonestante. Primus atque diligentissimus togatorum de eo prodidit Manilius, senator ille maximis nobilis doctrinis doctore nullo, neminem extitisse qui uiderit uescentem: sacrum in Arabia soli esse, uiuere annis d. clx. senescentem casta thurisque; surculis construere nidum, replere odoribus, & superemori. Ex ossibus deinde e medullis eius nasci primo ceu uermiculum, inde fieri pullum. Principioque iusta funeri priori reddere, & totum deferre nidum prope Pachaiam in Solis urbem, et in ara ibi deponere. Cum huius altis uita magni conuersionem anni fieri prodit idem Manilius, iterumque significationes tempestatum & siderum easdem reuerti. Hoc autem circa meridiem incipere, quo die signum Arietis sol intrauerit. Et fuisse eius conuersionis annum prodeunte se P. Licinio, M. Cornelio COS S. ccxv. Cornelius Valerianus phoenicem deuolauisse in Aegyptum tradit, Q. Plautio, Sex. Papinio COS S. Allatus est et in urbem, Claudii principis censura, anno urbis d. ccc. & in comitio propositus, quod actis testatum est, sed quem falsum esse nemo dubitaret.

## De aquilis.

CAP. III.

**E**X his quas nouimus, aquila maximus honos, maxima & uis. Sex earum genera: Melænaetos a Graecis